



10

T 5224/0634.91

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 15 1939



安縣志卷之十一

甲戌年翻刻

人物志

舊志曰劉劭譜人物于編汝南著先賢之傳風流不
墜學故猶存為忠為節為孝誰肯讓人立德立言立
功自當不朽考文章風節則有若宋代數公問忠貞
審諤則有若明興諸子或揚鑣皇路或遯跡林泉或
學究人天或徽傳士女垂諸簡冊即為上國之光式
茲後生企切高山之仰作人物志

賢達

賢者總其德也德不止于一長故稱賢以統之達

哈佛大學漢和
圖書館珍藏印

言安思...卷之一
者兼其爵也爵不可以一定故稱達以槩之人才
爲邦家積幹品行由問學淵源各括其生平彙成
爲一帙崑山盡玉光燦瓊瑤桂林皆香韵芬月露
若曰此非一鄉之珍而一國之寶也非一時之秀
而百世之芳也志賢達

宋賢達七人

翁待舉 陳景肅 吳大成 鄭 柔 薛 京

楊 耿 楊仕訓

翁待舉字至德先京兆人徙漳浦時方行舍法惟待
舉文字角出登政和進士紹興中知興化軍後宿外

寢五鼓而興必於燈下誦中庸一遍方出視事或有
干以私者曰某秉筆如見神明干者慙而退嘗奏蠲
本軍諸色錢漁稅及浦生之草採者毋出錢祀興化
名宦後知瓊州卒

陳景肅字和仲將軍元光裔孫也師事高登有學行
嘗同秦梓奉使燕越梓歸表爲祈請使不拜歸講學
僊人峯下登紹興進士令僊遊旌孝義勦宿盜多美
政後提舉湖南知南恩州有詔入知制誥致仕已八十餘矣南恩
不拜檜死議均役復知制誥致仕已八十餘矣南恩
叛服不常擇使宣慰朝議非景肅不可乃持節往嶺

南以平卒贈光祿大夫資政殿大學士謚廉獻長子
宋一特科次子宰孫植皆以恩澤補官植登進士有
傳

舊志論曰翁陳二公同時翁每日誦中庸一遍陳
講明正學開漸山諸名儒一派翁之知興化軍陳
之崎嶇讒佞之間議均役靖嶺南其學問事功皆
表表不可磨滅者也陳出玉鈐將軍後自景肅公
而下代多聞人天所以報開闢之功豈偶然哉豈
偶然哉

吳大成字子集十九遊太學聞陳景肅師事高登
有淵源往師之景肅疏詩禮儀禮具屬大成起稿紹
興中肅知制誥大成亦在太學肅以草誥召舊相張
溪判建康大成奉旨回白涉志清忠檜以浚老病廢
事詰太學大成復會同列議如前檜大怒及廷對以
言侵時宰落第旋有命捧檄湖湘歸隱石樞洞講明
正學陳景肅序其詩近陶杜翁待舉稱其理悟幽明
景肅自南恩奏凱歸卒于閩大成率諸及門董葬事
廬墓心喪寶慶三年卒所著有梅月詩卷筆議經疑
傳稿藏于家

鄭柔字克剛高宗都臨安柔在太學爲梁克家所推

從陳景肅遊肅尤器重之時汪伯彥秦檜湯思退為國大蠹柔憤不自勝與同舍生抗疏俱得罪歸隱九侯山乾道間肅提舉湖南稅務多所裁決嘗建議乞除禁偽學決意北征為湯思退所撓調高要簿不仕景肅卒與諸及門具心喪廬墓三年所著有康正題咏後元進士董士選得其詩評曰此老胸吞胡羯口占烟霞其見推重如此

薛京字宗沐師事陳景肅紹興中在太學肅已自南恩擢知制誥矣肅與檜忤辭知台州京等亦乞歸省檜以景肅黨啣之嘗與丞相陳俊卿三山林擇之及

翁陳諸公聚樂賦詩又與吳鄭諸楊講學九侯有和吳大成詩近千首終檜之世屏跡不仕隱石榴洞以老焉

楊耿字國光在太學與鄭柔薛京吳大成齊名檜柄國耿等相率乞歸從陳景肅講學石屏書院闢精一堂于脩竹里講明經術其從子士謙士訓皆從之所著詩多寓言儒釋風月而忠愛之意婉然隱石榴洞終身不仕

楊士訓字开叔北亭人學于陳景肅後又從朱晦庵遊醇靜警敏刻厲躬行嘯庵稱其學已知方延致麗

諸安縣志卷之四
學王遇亦妻以女所居號盤庵學者不遠數百里從
之父成大鄉貢士早世訓事母至孝比死喪葬盡禮
廬墓三年哀毀慘怛鬚髮盡白慶元中第進士再調
海陽丞政尚寬和論民以義民皆感化後令永福充
留意學校推誠待物講臺以豈弟平允薦之會湖廣
帥請于朝願得廉靖吏以董軍餉遂差監鄂州糧料
院荆襄兩路軍儲皆屬焉訓忠誠慷慨然身任上
下咸慶得人表諭片... 爲殮總帥義之爲其
備舟車護喪歸葬路人皆泣下其友黃幹陳淳
痛惜之幹銘其墓

舊志論曰吳鄭薛楊諸儒具得統于石屏公其淵
源出處亦大相... 壽流士大夫諸公獨
抗大義竟崎嶇困鬱以死悲矣諸公詩于流連風
景之中錯寓忠愛其最哀激者尤在傷春一賦楊
尹叔氏遭遇考亭文章行誼爲時師表勤事至死
不負所學其與諸公並出一門何多讓焉
明賢達十四人

陳汶輝	許潛	林而興	蔡方平	葉
李旦	陳天資	許判	許選	胡文
沈鈇	胡士鰲	蔡肇慶	張敏	

言安縣志卷之十一
陳汝輝字耿光將軍元光之後洪武甲子詔徵天下
人才汝輝與焉入試經明行脩爲天下第一拜吏科
給事中奏改大明門聯句及疏除沿邊園稅力辨徐
達李善長之謗轉大進少卿剛介執法上嘗欲罪張
廉使汝輝力爭其賢封還御旨上怒命押赴刑部文
輝從容賦詩以訣其子云執法不知公論是全軀殊
荷聖心仁關河萬里扶歸日碧草瑤沙亦帝恩吟畢
自投金水橋死上尋悔之賜祭葬贈太子少傅諡文
烈汝輝喜立功善詩文嘗奏免風沙地米麥邑人蒙
其利所著有南皋文集

許潛字時昇少穎異敏達博洽蘊藉繇漳浦縣學生
領成化四年鄉薦知平樂縣不以家累自隨盡心職
務釐革宿弊尤加意學校親爲講解招撫洞徭以免
戍守之害民有數十年田訟餽金四百求直者峻却
之剖決公明訟息民服居官貧甚無餘積卒于官百
姓悲號不已子判孫選俱舉人自有傳

林而興字君賓少穎異日誦數千言爲朱尚書天球
所賞舉孝廉久充練達世故所經畫咸遜莢及鄉海
濱園舊無科米有令某欲賦之令出粟千石積倉備
賑興首建議備賑固以利民若歲徵斂重反病民大

不使又率鄉縉紳力爭之事得寢又白其鄉賦田于
三則外別創沙壓海淹不及則田豁海潮冲崩鹽坵
稅若干著爲令賦定役均民無追呼之擾有潮友避
仇如興家官捕之意興與其匿竟脫其難及李歸德
多所平反每獄成必流涕河南饑設法賑濟尤加意
老弱置收鬻流民子女填官道其事以便交易所全
活甚衆後脩睢州城得古碑數百萬于地窖中省財
費無計累舉卓異以疾歸卒上論惜之祀于鄉

蔡方平字君衡少孤恒于百里外教授自負米歸養
其祖母及母令淳安歲饑民大嘯聚平請發倉賑濟
之多所全活諸亂者亦解去當饑時念民無所得食
亦不食邑先有流人謬伏盜更數令無異辭平至得
其寃盡遺之以廉左遷歸家居雖盛暑必衣冠所置
產悉分其諸子平在京師鄉人有罾網者莫之救平
力言于鄉大老得脫夜與載出都士大夫聞之愧嘆
莫及也臨沒作還真賦祀淳安名宦今祀于鄉

舊志論曰高皇帝削平禍亂首擢用人材海內名
宿遭時遇主如陳汝輝首應徵辟氣節事功爭光
日月今讀奏征薄壤一瓠雖死猶生仁人之言其
利溥哉自是以來數君子或清撿裨躬或卓異著

蹟或去後見思雖在循良無以遠過明興未三百
年諸君子後先相望竝以表見有聲海內非列聖
培植深厚惡能當此而必傳者乎

李旦字周輔穎悟夙成書過目輒成誦不忘詩文援
筆立就博物蘊藉登正德辛未進士榜首楊升庵眼
空天下鮮所許可每稱旦爲博雅君子心愛服之同
年李西溪亦云厚齋今之子雲也旣出尹江山厭簿
書束縛浩然有掛冠之念屬嘗有監司者責黜于列
且旦奮然曰是可一朝居乎遽詣臺司請歸歸則放
尚山水以聲律音樂自娛其寫景陶情調時吊古之
作不下千章經寇燹後多散佚不傳士論惜之

葉豐字世龜少孤力學初爲漳浦縣學生上書乞追
母服廬墓三年有猛虎馴擾之祥登嘉靖辛巳進士
授南城知縣有惠政邑人爲立去思碑陞都察院都
事轉經歷時鄉人奏設詔安縣廉任京師有力焉嘉
靖辛卯陞河南僉事甲午陞廣西叅議以年老致仕
先是詔安版籍爲漳浦吏胥舞文遺害甚劇豐率父
老詣府面白其事竟得改正鄉人思之

陳天資本姓李四都人幼孤養于饒平之陳家遂依
其姓學問甚富少時卽多奇異潮人士無不驚嘆以

為神龍天矯非尺水可羈登嘉靖己未進士歷官湖
廣左布政使既貴顯尤折節無異寒素時遇鄉先輩
輒逡巡脩弟子禮不以崇秩亢後生小子偶接必以
貌亦未嘗以邁齒凌也篤于子姓睦于姻黨又洽于
遠近知交其盛德非一可殫述云

許判字資黻潛之子也領正德丁卯鄉薦授瑞州通
判常誦催科中撫字刑罰中教化一語以為名言治
將六載上下悅服擢貳辰州辰雜蠻瓠判不動聲色
平之有徭酋循舊例餽金者峻却不受歸橐蕭然居
家無禮嘗著家禮及誥書附註以相發明而約歸於

儀禮禮記之義為禮圖及慎終集歐蘇諳例古深衣
訂皆可傳述判為人嚴整而有深思不為纖瑣潢溢
非禮之事所著有一松藁若干卷

許選字舜徵潛之孫也領正德庚午鄉薦天性謙和
自童穉至白首不與人忤亦不面訾人過嗜學如飴
先署嶧縣上饒二學事端已率物其勤於教人者一
如其所學典河南陝西試事所取多名士擢直隸太
和知縣請蠲泗州無徵米若干石塞學宮斷坑十餘
處以興文運邑人為立去思碑後倅岳州致仕年踰
九十以禮自防巡海道周公詣宅行養老禮知府唐

公製願壽扁以榮之年九十五而終

胡文字宣文少穎敏卽博通五經性理諸書以三試
冠軍領鄉薦嘉靖丙辰成進士筮仕行人出使益藩
盡却諸資賜居二年臺諫缺人需選時相國任子貴
用事以南北臺省爲賄之等差文不屑也竟授戶部
雲南司主事辛酉京師大祲分賑東直等處全活數
萬以他事左遷南浙憲司尋遷南太僕丞出知高州
破倭奴平徭餽卒調餉勞勩爲多士民咸附遷雲
南曲靖兵備副使致仕歸林居二十七載屏跡公府
爲桑梓計尤多石畫壽八十六卒

沈鈇號介庵清翫不授時好年二十五成進士令順
德多惠聲有觸筮樓妻覈田抵糧諸殊政兩舉卓異
嘗慕海剛峰爲人服食淡泊終身未嘗服一縑嚼佳
味居一高廈陋室藍縷恬如也與天臺見羅青螺南
阜諸先輩明道譯學所知如賀對楊李愚公王十華
薛藩馬夢吉諸君子悉其契交宦楚已驛紱爲撫按
留舟中半載刪纂三楚賦役全書歲蠲無藝之征數
萬今著爲令甲久矣居家倡置學田以贍儒生創橋
路以便行旅建文昌文公諸祠以興文學置亭觀以
開福田接引承學教誨子弟所著有大學古本浮湘

鍾離蘭省石鼓諸集彭湖紅夷諸議年八十有四因
族事受法有語以曷不自斃曰寧全國憲毋倖生軀
也其剛執到底如此

胡士鰲字爾潛憲副文子也萬曆丁丑進士授江陰
宰有駿聲入爲計部郎持節賑畿南諸罷全活無數
出守武林士附民懷以忤當道奪職爲登州二守東
征備禦所_得畫爲多遷青州守適礦璫陳增橫暴三
齊益都尹吳宗堯被逮士鰲義形于色曰守令一體
也令逮何以守爲資其行李護其屬出境揭政府部
院爲命白寃增聞之遂併措焉有旨降河東漕同

是臺省屢疏士鰲才品銓曹屢推用俱不報遂賦閒
居謝塵鞅矣士鰲少負經世才不可一世而詞藻翩
翩足列作者之林去青日宗伯馮公琦爲贈行文極
其推許名實未究而卒識者悼之

蔡肇慶號起岑年二十六捷進士蘊藉恬潔高出儔
輩少負篋梁浦有時望諸名下如劉庭蘭庭蕙輩皆
畏服之授嘉善令不能事上官量移襄陽別駕累舉
卓異署穀城棗陽二縣作興士類清覈預支調停馬
戶穀城人思之載穀城棗陽志養病林居絕意仕進
竟以沉疴老焉

張敏字功伯行誼端方性至孝事本生嗣父母內外無間賢書後非公事不至都邑邑人以宰牛請婉斥去解紛息爭人服其雅量鄉賦役多飛詭請于邑清丈之版籍以定又海濱旱園無科米奸人有謀賦者敏與鄉賢林而興力請上臺罷免之嘗于京師有謁選鄉人某病篤特囑敏後事敏悉歛囊中物以遺其家時論嘆服令南陵多異政有礦徒千夥作奸以方畧捕其魁餘黨悉解暮年凡七薦所平反贖錢盡蠲不取真清畏人知者卒于官囊橐如洗所治人哀之祀名宦

舊志論曰嘗讀後漢書孔融深敬康成引齊置處士鄉越有君子軍之議告高密縣爲元特立一鄉然則珠藏玉韞而山川光媚景仰鄉之先賢前哲所以勸勵後進也茲如數先生者策名清時聲氣相望實行苦心儘足追美近代卓越來茲次其行事列爲一編豈異曩者之美意乎

忠節

倫莫重于君臣人皆能言之欲莫甚于富貴人罕能審之身莫切于生死人孰能輕之三者交戰于中以自謀諸己于是生死爲重富貴次之而君臣

爲輕矣此忠節之所以難也人臣遭遇治平後凋
之姿無異李桃春茂一旦運逢興革老辣之性豈
同蒲柳秋零宋代既有傳人金芳名于文信國前
朝寧無賢士比勁節于黃文明者乎搜闡隱微責
歸文獻嗚呼林日瑞死封疆于陝右浙人亦建祠
于西湖而此邦之人竟未議及俎豆鄉賢之典義
何居乎志忠節

宋忠節三人

陳 植 陳 格 沈子真

陳植字寢立以字行幼從陳淳學以蔭補太學司理

漳州登淳祐進士以妻安定程玉女封程馬都尉賜
食邑提督嶺南海路兵馬帝昺浮海植鎮海舟見事
急斷維出港自以六舟泊梅嶺收亡命馳檄諸蠻圖
立宋後聞世傑舟覆元人索捕變姓名隱大芹白葉
九侯間臨終命葬南望崖山不北面于胡元
陳格植之弟爲宋海舟監簿帝昺之亡格從容就死
忠義形于六咏兄植歛其袍笏招魂葬漸山書院今
漳浦人竝祀之

沈子真字景實博極羣書性沈重簡默至語時事則
忠義激發甫冠遊太學浦東尉趙舜夫有知人鑒最

器重之至孝居父喪哀毀骨立登咸淳四年第一人授揭陽丞見元兵壓境上疏乞鳩屯立督以禦敵臥薪嘗膽以厲志布令陳過以固衆專任忠義以激勵將士黜遠奸佞以收拾人心當國者志之

左衽矣卽棄官歸挈家

隱九侯山語及國事輒流涕不食宋祚淪亡但書甲子不用元年號其論讀書以主敬爲先論立身以忠孝爲本臨終謂其子曰我死可書于石曰有宋省元沈某之墓親友私諡曰文節先生所著書有四書講義表忠錄藏收錄悲憤詩若干卷

舊志論曰自宋祚不振死忠孝者豈特陸丞相文信公諸人哉若植及格盡節不渝格從容就死難矣廼馳檄諸蠻圖立宋後若植者亦未爲非計之得也宋事不可爲自景肅公已忠義激發二子紹之天地不滅斯人不磨至宋祚終淪舟沉嶺海沈子真獨爲故宋處士九侯石室與柴桑爭烈矣

明忠節一人

林日瑞

林日瑞字廷輯鄉賢而與子初名日煥舉萬曆丙辰進士歷仕捍築紹興海塘城玉山賑洪水大饑平妖

賊普微命以功著出陝西左轄撫甘肅闖陷平涼乘
水堅渡蘭河長驅甘州瑞承創殞單斃之後屢戰不
支歛兵堅壁相持二十餘日殺賊過當關帥賀錦將
解去會斬說降謀陶萬樑賊怒築長圍感之連五日
夜大雪深數尺乘城士皆墮指沒脛不能戰有獻門
者城陷見執百誘不爲動被劓舌斷猶罵不休事聞
贈謚予祭葬特祠杭人以瑞曾長浙憲祀於西湖忠
臣祠而河以西廟貌亦至今凜凜如生云

孝行

孝爲百行之原塞乎兩間橫乎四海遵之爲天經

地義摠此孩提知愛者焉詔以孝稱者舊志余喬
烈新傳蔡保禎夫非盡人之子歟何寥寥止二人
耶因稽前朝嘉靖間有貢士楊恩傳以孝行補廩
欲考其遺事而莫有知其姓氏者由此觀之是必
有幽行不願彰聞而鄉黨或失之表舉者多矣聞
風興起各篤所親卽二人非前旌乎志孝行
明孝行二人

余喬烈 蔡保禎

余喬烈五都人賃傭養親親百餘歲齒脫所不能食
者已不忍食之親病衣不解帶親不能浴雖盛暑不

浴親死哀毀瘠立露處于其親之墓三年已三年哀
猶初焉雖薦紳大夫咸加禮之萬曆間知縣黃給扁
幣旌獎壽八十餘卒

舊志論曰余喬烈一傭人耳觀其力作養親生事
死葬動如禮節幾有曾子文王之風孝道罕覩久
矣世之讀書知勉摸倣聖賢不過一印板孝子圖
耳以視喬烈何如向使烈亦學古讀書者其所處
又當何如耶讀蔡保禎余孝子詩爲之三嘆

蔡保禎字端卿鄉賢方平子純孝衰經守父帽山墳
廬諸先哲傳其展墓千廻子心未忒居山一日人事

亦稀之旬皆畏事之晚勉著作謝諸生學問詞藻見
推名流而石齋所序孝紀十六卷則其有功世教者

篤行

遠瑗不變節于昏行顏淵不改容于夜浴世尚夸
毗如枯株穉穉無有心榦善乎柳玘之言曰忠信
篤敬乃食之鹽醬獨忠孝乎哉不言躬行濟人利
物如莊叟所云爲善無近名者斯亦慤慤之君子
是不可不傳之以令鄙夫寬薄夫敦者也志篤行

明篤行三人

陳鳴球

沈

璽

張奇傑

陳鳴球字舜夫三都人性至孝兒時卽定省如禮其學以窮理居敬爲本家貧蕭然自得嘗與湛甘泉論體認工夫無處不貫然下手處不可不知甘泉大嘆服之後又與薛中離講明良知之旨作道心圖說以明吾心之無二縣令吳桂躬造請焉球略不爲屈林功懋林士章與球最友契功懋參政河南挈球之官懋卒球經理其喪諸司賻錢具藉還其子時鄉有仕河南者謂球曰竹溪卽卒子姑少留球泣曰生與具來死而置之於義何居竟護喪歸球講明理學而於天文陰符諸書尤精曉及卒家貧其友林士章及

張大器爲管葬事題其石曰明處士欽齋陳先生墓所著有陳圖解道心圖體認要解及欽齋集若干卷舊志論曰陳鳴球究心理學一代大人物迺浦志缺傳古今賢人名湮沒而事散佚者多矣此而不傳則後之學者何以稱焉

沈璽號梅野邑增廣生以千鈞累封戶部主事淹博多識賑乏好施緇衣之好迥如也遊學經過者遇輒助其資斧又曉刀劑之道每制咀斥活人當道嘗羈一人欲置之法無敢拔者璽獨先諸生乞憐而免有陳氏醉遺聘金三十璽偶拾於五父之衢濡滯待之

果有踉蹌來者問而知爲尋前金也亟還之受封以
來不被統不張蓋不乘輿臥無重席食不兼味繼繼
以勤儉訓子孫每見子鈇宦歸囊橐蕭然輒心喜之
受封後三十餘載依舊矮屋一楹無別構也賓於邑
者十餘次賓於廳者三次享年八十有六今學士大
夫及故老里中兒無不知有沈梅野公盛德者

張奇傑原名鍾靈張敏之父性至孝嚮義嘉靖間倭
亂鳩族築堡全活甚衆知縣龔有成申請獎勵凡祖
父叔俱捐產營葬不與其弟父母歿每食必時弟共
教子孫讀書惟謹日誦黃金滿籬不如教子一經也

句又云上不欠官糧下不欠私債便是愧怍不生刑
非不及居處儀式一依家禮步履戒蹠縱圖三十四
孝子壁以課兒孫遇農時躬爲持饁縣請鄉賓送冠
帶不服只深衣幅巾云教子未能登第受恩典負慙
實甚敢濫冠服耶臨終口囑以鄉賓時衣巾襖焉其
敦禮尚義有古先民風

舊志論曰以余觀沈張二公行事何其相類也大
抵慕義好施惡人自嗇有古先民遺風焉至如沈
之加意遊學張之孜孜教子以詩書爲質者天亦
以詩書之氣報之于公之高大門閭彼蓋有取爾

也夫

義士

燕趙自古多慷慨悲歌之士南方風氣荏弱寬柔以教豈易有其人乎而涂許諸子捍大患禦大災固土保疆重人倫周族黨施仁好義其視挈篋爲智止顧一身一家之計而爲鄉里可有可無之人者不大相遠也哉志義士

明義士四人

涂 膺 許尚端 沈 冑 陳仕祿

涂膺三都人爲人慷慨好義沉深有謀正統己巳沙

寇作亂漳寇乘之漳浦尤懼其害縣官奔入潮州南詔孤城不支衆相與謀曰方今各鄉殘破惟吾詔頗富庶賊不日必來聞涂膺世族行義爲衆所推若屈致之城可全矣於是衆詣膺膺慨然入城圖指方略與衆約誓協心固守凡山海賊謀欲入城者皆破其機牙不得發旣而山賊爲雲梯攻城膺嚴號令晝夜防禦鎔鑄鐵汁矢石交下賊被傷死者十有三皆披靡退明日海賊至禦亦如之膺又密遣強徒夜入山海賊營殺其首賊仍爲書乞援于潮刻期而至賊見守固援至自相怨罵遁去衆喜跪拜謝膺膺曰皆

言安縣志 卷之十一
衆等力於某何預自潮導縣官入城地方載寧皆其
力也詳具漳浦陳疊記

許尚端性孝友早失怙母陳氏鞠養成入母卒廬墓
三年三山給事中高旭嘗贈以風水圖詩三十餘律
正統己巳沙寇作亂漳寇乘之南詔孤城不支尚端
散財募衆與涂膺同力捍禦城賴以全

沈胄字尚寬三都人幼孤事母許氏以孝稱勤置產
業悉分諸弟家之子弟有入邑庠者立書田二十畝
以贍之正統十四年鄧寇攻圍南詔城胄奮勇突圍
請兵于潮以爲援與涂膺等均有全城之功

陳仕祿三都人天性孝友事嫡母阮氏曲爲承順得
其歡心父苦風疾醫云得蚺蛇酒可愈祿入山求之
月餘得蛇躬自調和以進疾尋愈與兄仕國分產後
國貧困祿請於父以已業分之教讀于鄉所得束脩
半以給兄如是以爲常兄歿侄負債祿捐已田四畝
俾鬻以償族有喪弗克葬具灰土以助遇荒年鄰有
歉於食者賜以錢米不責償有餓婦竊其園之苳祿
望見退避或詰之曰吾不忍其饑餓以至於斯其立
心忠厚類如此

舊志論曰涂膺許尚端沈胄三人者皆以保障功

聞而跡其行誼亦有足多者于城腹心見周文之化矣陳仕祿硜硜者流亦與茲選人苟自好何處不勉退處士而進俠烈非司世意也

文學

文者學之華學者文之實非文無以徵學華枯則本先撥惟學而後能文實大則聲自弘故必大叩大鳴小叩小鳴方可稱五車之富又必小好小怪大好大怪斯足起八代之衰若鬼冊搜材不過蟬魚之蝕卽鷄壇拔幟何異蒼蠅之聲烏乎文烏乎學文學居四科之一其可無其實而竊其名歟

文學

明文學二人

吳朴 沈起

吳朴字子華初名電貌不揚而博洽羣書于天文方

域黃石陰符之秘無不條拆縷解不脩邊幅人以任

士目之時有督學欲爲死義陳教授立碑莫詳金陵

之入爲何日電上其事以此補邑諸生更名朴嘉靖

中林希元從征安南辟參軍事機宜多出其謀安南

平朴功竟弗錄歸以他事下獄著書自見龍飛紀略

乃成獄中者又有皇明大事記醫齒問難度海風

程九遠圖要東南海外諸夷及復大寧河套諸計畫
今多散逸

沈起津字生鶴鈇第四子舉天啟乙丑進士歷任無
為州廣平襄陽等罷僉以經術匡濟稱林居寄情聲
律析義搜奇不屑屑追逐前輩字畫入神品丁丑聘
脩縣志有功傳信名流寶其寸珍尺璧猶先民典型
也

隱逸

天地間賢人隱詔自來明以來人文鵲起爭自濯
磨則賢路常開也此隱逸者之所為不手其

世而丁其性桃源同遊三外商山亦遜漢人各有志
豈干姓可招而好爵可廢乎獻玉者別抱璞若全
璞見剖雖為珪璋而隨人雕琢礪之以為杯棬飾
之以為珮環究將同于瓦石果孰勞而孰逸志隱
逸

明隱逸一人

許海福 林邁佳

許海福子伯疇三都人其學以主敬為宗躬行為本
永樂間詣闕奏蠲牛貝稅崇成祖飭諭褒納之歸建
義學教以其鄉與學者講行文公家禮一切喪葬不

用佛事。去胡元舊俗。一時名臣如林敦聲諸公咸
 勸之。仕。曰。某不忍鄉井。受無窮之害。以布衣陳言。
 特蒙俞。九言行。即道行矣。何必以垂老之年。為犧牛。
 咎哉。竟。不仕。卒。學者共為。治葬。立碑。表墓。題曰。弘道。
 先生。祀。丁。鄉。

林邁。佳。字。子。篤。二。都。南。陵。人。世。傳。孝。友。義。讓。潛。心。理。
 學。從。薛。欽。守。黃。石。齋。兩。先。生。遊。所。著。環。中。一。貫。圖。說。
 究。論。天。人。事。物。之。蘊。薛。以。一。庵。子。呼。之。屢。賞。於。學。使。
 者。晚。生。張。兩。玉。侍。御。疏。舉。學。行。堅。隱。不。出。年。八。十。餘。
 猶。與。志。講。易。竟。日。忘。倦。子。時。脩。義。不。附。逆。賊。萬。禮。

以數萬眾攻堡重圍能率勵族眾死守全其宗充作
 之家學不墜也

藝術

琴了無聲。奕了無跡。志。上。惜。陰。見。而。嘆。息。醫。決。死。
 生。卜。斷。吉。凶。藝。通。于。道。扁。鵲。倉。公。具。載。史。記。志。將。
 無。同。詔。有。醫。術。巧。奪。神。工。僅。傳。其。姓。記。載。何。功。始。
 論。其。世。在。嘉。靖。中。無。微。不。錄。敢。曰。弘。通。志。藝。術。

明嘉靖藝術一人

許神醫

嘉靖間有許神醫者神于醫人病不用藥以法鍼灸

人人無不立愈者嘗之潮潮有婦孕而胎不出婦幾斃某聞之往則衆醫羅列衣冠甚偉見某篋笠心鄙之已引視一鍼而兒墮衆醫爭酬不能決某第言此爲某醫無疑兒兩手托乳根上故不下以鍼刺之兒痛則胎動今視其掌中有血痕則某醫不者非某醫也已視衆然

貞節

鳥有鵲失偶則不棲魚有鰈去一則不遊鱗羽尚然而汎人乎然而閨房秀質譬猶桃李繁生方春始華惟有因風蕩漾映月輕盈而責以凌雪無凋

經霜猶茂天下有幾寒艷之梅哉乃能枯血淚于紅顏貞丹心于皓首或從容就義慷慨殉身此女中張許也或奉尊嫜扶門祚辛勤數十年手挈六尺之孤復還之亡者此女中李西平郭汾陽也巾幗鬚眉難之難矣惟其難所以可傳惟其傳所以可風世之墳土未乾褰裳別渡與夫歌舞趨新破涕爲歡者志貞節

舊志載明貞節十七人

- 郭貞姐 林月娘 鍾尾娘 吳貞姐 黃氏
- 許氏 吳氏 張氏 湯氏 陳氏

馬氏 許氏 張氏 陳氏 毛氏

王品姐 黃氏

郭氏名貞姐許惟長妻事舅姑孝敬備至未數月而惟長卒父母徇俗火葬之貞姐俟火烈遂投火中而死鄉人義之為聚土成墳

林月娘三都人生員林國光之女年十八適許傍恪守婦道孝事舅姑未逾月夫卒月娘朝夕悲號誓欲與夫同死姑寬慰不聽勺水不入口竟以哀毀骨立三越月而卒與夫同窆人咸難之

鍾尾娘鍾邦華之女年十八適生員胡士麟舅姑先

喪事祖姑以孝聞嘉靖四十四年麟以家貧教讀五都得病氏聞之廢食者三日遂與家人往視進奉湯藥纔二日而麟死乃賃舟載屍以歸舟中哭甚哀家人慰解之氏仰天大哭曰我為婦人以夫為天夫既喪矣上無舅姑下無子女有死而已及夫屍入門蓋棺已畢即潛入臥房自縊死事聞知縣梁士楚為文以祭之仍立扁以旌其節

吳貞姐年十五未許聘嘉靖八年海賊突至大肆擄掠貞姐與父與焉賊欲犯之貞姐罵不從賊取首飾置于前曰汝筭而飾吾將室汝貞姐度不能免給曰

吾當以告吾父時其父在他舟中賊信之移就焉遂
跳于海屍浮水面數里不沉賊亦爲之嘆惜撈屍具
棺以歸縣以其事聞于當道移檄禮祭之

黃氏蕭哲妻年二十六歲而夫歿育一女甫周歲守
死不嫁舅姑陰受他姓聘擇中秋日欲強致之黃懇
于姑曰亟還他物吾死不入其門姑怒而詈之黃自
度不免十四日夜三鼓棄女潛出爲死計女啼不絕
聲黃躊躇恐舅姑覺而追之反襁負其女趨江潭挿
竹挂衣于其澣遂自沉而死

許氏名佳娘鄒大澤妻許士悅女也年十八歸鄒氏
克盡婦道二十五而夫死遺一子慟哭頓絕誓不獨
生每泣必撫其孤曰吾不能卒育汝矣姑聞防之頗
嚴起居食宿與俱踰月守者懈一多姑視釀于別室
婦乘間遂自縊而死

吳氏名英姐五都人嫁夫陳養望死未卒哭氏覓死
計因防守稍懈遂自經於夫之柩側前縣尹吳桂爲
表其行

張氏孫信妻湯氏孫佺妻信佺同胞兄弟也俱業儒
信死張氏欲與夫同逝爲父母所持未得開佺以哭
見過慟亦病死湯語張曰吾二人今可從夫九原矣

生同事死同歸乎張然之湯屢縊家人覺而解之數
回久且懈矣歲十一月二婦從俗拜誡畢人曰今欲
嫁乎曰然吾二人嫁必一室人莫測其意張有女先
孀隣人攜之田間嬉戲一婦遂浴洗結衣自斷其帶
奪懷夫所讀書一冊抱一銅鏡同懸一楹而死者紳
上其事直指劉公應龍爲題請萬曆甲辰奉旨給銀
三十兩建牌坊時有贈聯云妯娌志同歸兩索綱維
千世界弟兄名不朽一楹提起九原人

陳氏南詔所千戶郭泰之妻年十八而夫亡遺腹生
子郭繼矢志守孤織紉自給其後繼生子良弼未襲
職而歿良弼子藩襲職未幾又歿弼妻馬氏藩妻許
氏竝守志節與祖姑陳氏同其水潔邑人異之具呈
灤邑申請旌表

張氏林彥珮妻彥珮僉解皮料銀到京遇世廟赦回
盡散其金還鄉里甲人義之珮死氏年二十五歲以
舅姑在死守自誓舅姑歿負土爲墳十指盡血族有
利其產者欲奪之嫁氏晝夜號哭哀動路人苦節六
十年鄉里無間以壽卒子大輅母死方殮賊猝至人
人驚竄輅獨護喪號泣頃颶風作寇護舟遁以此得
免人謂孝節之報云輅以子而興貴贈推官

陳氏懸鍾所高尚賢妻十六歸高舅亡姑在與夫挽車提甕孝養備至逮尚賢歿氏年甫二十五育女三遺腹男一念姑在嗚忍死欲生則無以自存旦夕飲泣憐人哀之竟苦節備積養始姑亡貧無措鬻女殮埋富室慕其賢淑聘之不能奪後男欽孝于氏亦如之累經旌獎競爲士紳所傳誦

毛氏懸鍾人嘉靖間曾一本海上作祟其夫從軍征勦朝發而夕以死聞氏痛夫之死哭之水涯見有羽從海上飄來氏認係夫手澤遂赴海而死時見有血一團瀆死所不散衆多異之

王品姐五都陳誥妻夫病絕殮積米爲市藥費夫死已殮卽入自縊家人救之氣未絕踰日而甦乃朝夕哭奠如禮至卒哭盡散他物于人人疑其有異志也至夕整容服自經死顏色如生好義者競爲文以弔之鄉人舉呈于巡司其家不知所措餽金二錢贖呈歸人咸哀之時年始二十一也

黃氏五都人年十七歸楊敬二十三而寡語以適富則痛哭誓曰予有腸全副可不轉楊有孤三週可垂後又幸有園二畝可療饑安適爲時武姓極豪者貪園有吉穴要以數十金氏私謂予不識穴然數十金

來或古矣予姑與夫可以襄事且一杯之外立苟飽
麻苧衣弗與便治圃常廢午炊紉燈藉以教子享年
七十有二今其孫觀吉捷南宮蓋天酬之矣

舊志論曰甚矣貞節之足欽也婦人不知書而能
適於義故足欽然婦人亦知書則必稱引古昔以
文法自解免矣則誠哉貞節之足欽也以茲所載
或死于火或死于水或死于餓或死于經或死于
天年等之志堅金石不可抵昂但如郭貞姐之赴
火從夫近于勇黃氏之負女沉江近于毅陳氏之
鬻女殮埋近于才毛氏之自團潰瀑近于誠又如

張湯二氏如姪全繩陳馬能許祖婦繼節皆可敬
可愕世所希觀其尤如張氏者既能成夫以義又
能廸子於孝此豈經經巾幗女流者耶斯是為世
之婦人勸矣或曰不止為世之婦人勸也

續明貞烈一人

蔡氏

蔡氏五都人嫁夫陳渡海沒屍歸哀毀為夫立後百
日後始投繯死先萬歷初氏從姑蔡克亦殉其夫時
傳蔡氏雙烈士大夫以詩輓者盈卷惜板焚於兵并
其事亦不傳可恨也戴冠有輓詩見藝文志

國朝貞烈一人

黃氏

黃氏三都人嫁夫沈種三載夫病死三日內棄女投
繯以殉年十有八奉

旨旌表坊列歐公碑亭之左戴冠同敘諭黃圖鞏有
輓詩六首見藝文志

論曰婦可人志始于中壘然遷史雖未爲婦人立
傳而政姊俠陵母智皆得並書則史法可知況貞
烈尤關風化乎詔志舊傳頗憾未詳續傳兩氏非
見諸歌輓亦半湮滅此事必賴有文獻也夫

卷之八

黃氏

黃氏三都人嫁夫沈德三歲夫病死三日內棄女投

繯以殉年十有八本

有旌表坊列歐公碑學之左載冠同教論黃國華有

輓詩六首見藝文志

論曰婦可入志始于中勳然遷史雖未為婦人立

傳而政婦俠陵毋智皆得命書則史法可知況良

烈本關風化乎詔志舊傳頗憾未詳續傳兩氏非

日請歌婉亦半淫淑此事必賴有文獻也夫

